

# Whakamāramatanga:

## He whakawhitiwhiti kōrero mō ngā waeture e pā ana ki ngā tohu kaiwhakaako ā-kāinga

I te tau 2018, i whakahaerehia e te Kāwanatanga he Arotake i te Mātauranga Kōhungahunga ā-Kāinga (te Arotake), hei whakarite ka whakaratoa e te rāngai te mātauranga kōhunga me te manaaki i ngā tamariki. I whakawhitiwhiti kōrero te Arotake mō ngā kaupapa e marohitia ana kia whai ngā kaiwhakaako ā-kāinga i te tohu ECE Taumata 4. I tēnei wā kāore ngā kaiwhakaako o te rāngai i te herea kia whai tohu.

I tuku whakaaro mai te rāngai, ngā kaiwhakaako, ngā kaiwhakarato ratonga, ngā kaiako/kaiwhakarite torotoro, ngā mātua, ngā whānau me ētahi atu mō tēnei kaupapa marohi. I tautoko te nuinga i te kaupapa marohi. Kātahi ka whakaae te Kāwanatanga kia anga whakamua ki tētahi ohu mahi ECE ā-kāinga whai tohu, ka whai tohu, ka mahi rānei ngā kaiwhakaako katoa i tētahi ECE Taumata 4, tētahi tohu rānei.

Hei whakatutuki i tēnei, i te Hūrae 2020 i whakaae te Kāwanatanga ki te āta whakahaere mai i ngā whakaritenga kia taunga haere ai ngā kaiwhakaako me ngā ratonga ki ngā huringa. I hāngai ngā huringa ki ngā ratonga mō te kōhunga o te rahinga pūtea mai i te 1 o Hānuere 2021, ā, ka pā ki ngā ratonga kei te rahinga pūtea arowhānui mai i te 1 o Hānuere 2022.

Hei whakatinana i ngā huringa e hiahiatia ana mō te rahinga pūtea arowhānui i roto i ngā tau e whā e whai ake, me menemana e mātau te [Education \(Early Childhood Services\) Regulations 2008](#). Ka hāngai ēnei ōrau ki ngā ratonga katoa kei te rahinga arowhānui mai i te 1 o Hānuere 2022 (tirohia te papatau i raro).

	1 Hān 22	1 Hān 23	1 Hān 24	1 Hān 25
<b>Rahinga pūtea arowhānui:</b> Ngā ōrau iti rawa o ngā kaiwhakaako whai tohu i whakatauhia i roto i ngā huringa ā-ture	10%	30%	60%	80%*

\* Mai i te 1 o Hānuere 2025 kotahi te rahinga pūtea mō ngā ratonga katoa kua ngā rahinga arowhānui, kōhunga hoki.

### Kei te whakawhitiwhiti kōrero mātau mō te aha?

Kei te whakawhitiwhiti kōrero mō ngā waeture hukihuki ka whakatinana i ngā ōrau iti rawa o ngā kaiwhakaako whai tohu mō ngā ratonga ECE ā-kāinga katoa, ā, ka hāngai mā te rahinga pūtea arowhānui iti rawa.

I te mea hei whakawhitiwhiti kōrero tūmatanui ngā waeture hukihuki, ehara i te mea ka whakaata i te āhua e tuhia rawatia ai ngā huringa. I mua i te whakatinana i ngā huringa ā-ture, ka whiriwhiria e mātau ō whakaaro whai muri i tēnei whakawhitiwhiti kōrero.

## He aha ngā huringa ki ngā tohu e whakaturehia ana e mātau?

Kia kīia ai he kaiwhakaako whai tohu koe i roto i ngā ratonga ā-kāinga me whai i:

- » tētahi tohu ECE Taumata 4, teitei ake rānei; tērā rānei
- » tētahi tohu ECE Taumata 3 i oti i mua o te 1 o Hānuere 2022; tērā rānei
- » Te Ara Tuarua (te tohu o te kōhanga reo taumata 5), teitei ake rānei; tērā rānei
- » he tohu whakaako kura tuatahi.

Me mātua rārangi ngā tohu ki Te Pou Tarāwaho Tohu Mātauranga o Aotearoa, e whakaaetia ana rānei e Matatū Aotearoa mō ngā kaupapa o te rēhita.

Mai i te 1 o Hānuere 2025, me mātua whai ngā kaiwhakaako kore tohu i tētahi tohu whaimana mō te wā atu ki te 2 tau, kei roto rānei i tētahi wā whakatau atu ki te 6 marama.

## He aha ngā huringa mō ngā kaiwhakaako whai tohu e whakaturehia ana e mātau?

Me ū ngā ratonga ā-kāinga katoa ki ngā ōrau iti rawa hōu:

	1 Hān 22	1 Hān 23	1 Hān 24	1 Hān 25
<b>Rahinga pūtea arowhānui:</b>				
Ngā ōrau iti rawa o ngā kaiwhakaako whai tohu i whakatauhia i roto i ngā huringa ā-ture	10%	30%	60%	80%

Me whakatakoto anō mātau i ētahi ture mō te āhua o te tatau i ngā ōrau, ā, ko ēhea ngā kaiwhakaako ka whakaaetia.

E marohitia ana e mātau ko aua kaiwhakaako anake e tuku ana i te mātauranga me ngā manaakitanga i ia wiki ka whakaaetia. E marohi anō mātau kia uru ki ngā ōrau ko te kaute taetae atu, ā, kia mana tēnei i ia wiki. Ko te tikanga o tēnei hei tā te ōrau he ōrite te kaiwhakaako e mahi ana mō te rima rā i te wiki ki tētahi kaiwhakaako e mahi ana mō te kotahi rā i te wiki.

Ka hiahia hoki ko te tiaki pūkete hou hei āwhina ki te whakatū i te tautuku ki ēnei huringa. Me whai rārangi ngā ratonga ā-kāinga o ngā kaiwhakaako me ngā whakaaturanga o ō rātau tohu mō ia raihana.

### Kei te hiahia mōhioho atu anō koe?

Mō tētahi rārangi o te huinga matapakanga whānui mō ngā waeture mō ngā tohu kaiwhakaako ā-kāinga haere ki [education.govt.nz](https://www.education.govt.nz). Mēnā kei te hiahia koe ki te tuku urupare mō ngā waeture, ka taea anō e koe te whakaoti tētahi rangahau i [consultation.education.govt.nz](https://www.consultation.education.govt.nz).

Ka taea anō te tuku tētahi tāpaetanga ā-tuhi āmiki atu ki [Earlylearning.Regulatoryreview@education.govt.nz](mailto:Earlylearning.Regulatoryreview@education.govt.nz) ki tēnei wāhi poutāpetā rānei:

Early Learning Regulatory Review  
Te Tāhuhu o Te Mātauranga  
Pouaka Poutāpetā / PO Box 1666  
Te Whanganui-a-Tara / Wellington 6140

Kei te hiahia Te Tāhuhu o Te Mātauranga i ngā whakaaro mō tēnei i mua o te 24 o Hepetema 2021.

Mēnā he pātai āu mō te tuku i tētahi tāpaetanga kōrero, kei te hiahia mōhioho atu anō rānei, īmēra atu ki [Earlylearning.Regulatoryreview@education.govt.nz](mailto:Earlylearning.Regulatoryreview@education.govt.nz)